



KENYATAAN / SIARAN AKHBAR

Untuk maklumat lanjut sila hubungi:
**Bahagian Komunikasi Korporat
Perbadanan Putrajaya**
Tel: 03-88877033 Faks: 03-88811008

PROGRAM "KELULUT PUTRAJAYA" KE ARAH AMALAN PENGHASILAN MADU TERBAIK DENGAN KERJASAMA NATIONAL INSTITUTES OF BIOTECHNOLOGY MALAYSIA (NIBM) DI TAMAN BOTANI PUTRAJAYA

PUTRAJAYA, 28 Jun 2024 – Program “Kelulut Putrajaya” Ke Arah Amalan Penghasilan Madu Terbaik telah dianjurkan pada 25 sehingga 27 Jun 2024 yang lalu bertempat di Bangunan Pusat Interpretif Pelawat (VIC), Taman Botani Putrajaya, Presint 1, Putrajaya. Majlis perasmian program telah disempurnakan oleh Tn. Haji Mustafa Kamal bin Ismail, Pengarah Bahagian Perancangan Dan Pembangunan Taman, Jabatan Landskap dan Taman Perbadanan Putrajaya. Turut hadir Encik Hardi Raimee A Bakar, Pengurus Jabatan Pembangunan Perniagaan dan Pengurusan Inovasi, National Institutes of Biotechnology Malaysia (NIBM).

Seramai 60 orang peserta terdiri daripada penternak komuniti kelulut Putrajaya dan luar Putrajaya telah menyertai program ini yang diadakan secara percuma. Program ini dianjurkan bertujuan untuk:

- a. Membantu komuniti khususnya penternak kelulut di Putrajaya memulakan dan mengembangkan aktiviti penternakan kelulut.
- b. Sebagai satu penjenamaan madu kelulut yang diusahakan oleh komuniti Putrajaya segar dari kebun komuniti.
- c. Membantu komuniti Putrajaya mempromosikan madu kelulut dan hasil hiliran di bawah satu penjenamaan yang berkualiti.
- d. Memberi galakan kepada penternak kelulut yang berminat untuk meningkatkan ekonomi setempat.

Pada hari pertama, peserta program telah didedahkan dengan pengurusan lebah kelulut oleh Encik Mohd Razif Mamat @ Daud, yang merupakan seorang saintis daripada Genome and Vaccine Institute, NIBM. Beliau telah menerangkan kepada peserta tentang kaedah penyediaan kawasan penyediaan kawasan pengkulturan, penyelenggaraan koloni, pengawasan ancaman perosak dan penyakit dan penuaian serta pengumpulan produk mentah (madu, beebread dan propolis).

Pada hari kedua pula, peserta telah dibawa ke kebun Kelulut Kasih untuk sesi kembara ilmu dan perkongsian yang terletak di Hulu Langat. Kebun diusahakan oleh pasangan suami isteri iaitu Puan Faridah Khalid dan Encik Fuad di tapak berkeluasan anggaran 0.8 ekar. Peserta telah diberi taklimat bagaimana kebun ini menerima pengiktirafan MyGAP dari Jabatan Pertanian Malaysia, pengiktirafan sijil kelulusan halal oleh JAKIM, pengiktirafan kualiti serta ketulenan madu Lebah Kelulut oleh Institut Genome Malaysia (IGM). Lawatan ini telah membuka jalan kepada peserta untuk mempelbagaikan produk daripada lebah kelulut selain mempelajari pengurusan lebah yang lebih holistik

Pada hari ketiga dan terakhir program, peserta telah berpeluang untuk mempelajari pembuatan "Propolis Shower Gel" yang merupakan satu produk hiliran berpotensi untuk menjana hasil pendapatan sampingan selain penuaian madu kelulut. Satu upacara majlis penutup telah diadakan dan dihadiri oleh Encik Hardi Raimee A Bakar, Pengurus Jabatan Pembangunan Perniagaan dan Pengurusan Inovasi, National Institutes of Biotechnology Malaysia (NIBM). Turut hadir Encik Mohd Tajuddin bin Idris, Bahagian Botani, Jabatan Landskap dan Taman, Perbadanan Putrajaya. Pada majlis penutup, sijil penyertaan telah diberikan kepada peserta yang berjaya mengikuti program program sepenuhnya. Selain itu juga tiga (3) buah kebun komuniti Putrajaya telah menerima Insentif Hive Kelulut dan Label Maduku Putrajaya. Penerima insentif adalah terdiri dari Kebun Komuniti Bandar 4 (KKB4) Presint 14 Putrajaya, Kebun D'Rimba Desa Presint 9 Putrajaya dan Kebun Komuniti Bandar Presint 16 Putrajaya.

Pada keseluruhannya program penganjuran selama tiga hari ini telah mendapat maklumbalas positif daripada semua peserta. Diharapkan peserta dapat memanfaatkan segala ilmu yang dipelajari selain meningkatkan lagi kemahiran dan pengetahuan di dalam penternakan kelulut supaya aktiviti ini dapat dimanfaatkan dan dikembangkan untuk penjaan ekonomi dan kesejahteraan hidup. Melalui program seumpama ini juga, semangat kerjasama dapat dipupuk dalam menyatukan komuniti melalui khidmat sokongan profesional di dalam aspek penternakan kelulut selaras dengan aspirasi Putrajaya untuk menjadi Bandar Mampan 2025 dan Bandar Hijau Karbon Rendah Putrajaya dapat direalisasikan.


b.p. Presiden Perbadanan Putrajaya

Tarikh: 4 Julai 2024

Sila hubungi Pegawai Media PPj (Puan Haryani binti Kaulan di talian 019-3831564) bagi keterangan lanjut berhubung siaran media ini.